

Dos buki nobo di Robert Reeberg

ORANJESTAD
(A A N) :

Recientemente e autor di buki di mucha Robert Reeberg a publica dos buki nobo, esta “Rigoberto”

y “Roy ta Piet”.

“Rigoberto” ta trata di un mucha homber cu ta huy fo’i cas ora su mama kier dun’e un sota. E ta dicidi di no bolbe mas. “Roy ta Piet” ta tocante un

mucha homber cu ta haya sa cu probablemente lo no celebra e fiesta di Sinterklaas mas na Hulanda y cu tin posibilidad cu esey tampoco lo no sosode mas na Aruba. E ta bin cu e plan pa hunto cu su miho amigo pasa den nan bario como Sint y Piet e aña aki.

Robert Reeberg ta un autor conoci di buki pa mucha , cu varios biaha a bishita e scolnan di Aruba den e Siman di Buki. Aña pasa el a presenta su buki



“Un bula den lama” tocante un leon cu a yega Aruba.

Robert tambe ta conoci den musica cu e cd di cantica pa mucha “Canta cu alegria”.

Riba e potret e autor ta entrega su bukinan na señor Nico Luydens di libreria Van Dorp/De Wit hunto cu e mucha Roy, cla pa hunga como Piet den su bario.

E bukinan ta un bunita regalo, specialmente den e temporada di fiesta aki. Pabien na señor Reeberg cu su obranan nobo y exito.